



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNIK**

Broj: 13-04-275/20  
Sarajevo, 13.01.2020. godine

Bosna i Hercegovina - Federacija Bosne i Hercegovine  
Kanton Sarajevo - Grad Sarajevo  
GRADONAČELNIK

PRIMLJENO:	15-01-2020
Org. jed.   Broj	
01-GV-04-96/20	

**GRADSKO VIJEĆE GRADA SARAJEVA  
PREDSJEDAVALJUĆI GRADSKOG VIJEĆA  
Komisija za izbor i imenovanja**

**Predmet:** Prijedlog za dodjelu priznanja „Plaketa Grada Sarajeva”

Poštovani,

U skladu sa odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14 i 31/14) kojom je, između ostalog, propisano da prijedlog za dodjelu priznanja može podnijeti gradonačelnik Grada Sarajeva, podnosim

**PRIJEDLOG  
za dodjelu priznanja “Plaketa Grada Sarajeva”  
Ismetu ef. Spahiću**

**OBRAZLOŽENJE**

Hafiz Ismet ef. Spahić, dugogodišnji prvi imam Gazi Husrev-begove džamije, profesor Gazi Husrev-begove Medrese i zamjenik reisu-l-uleme jedinstvena je pojava među sarajevskom ulemom i vjerskim velikodostojnicima posljednjih nekoliko desetljeća.

Čovjek koji je više od pet decenija svog bogatog radnog vijeka posvetio borbi za najviša moralna načela, za dobrobit građana, države i glavnog grada, prepoznat je kao imam blizak građanima, neprevaziđen govornik i nepobitna moralna vertikala.

Tokom svog djelovanja značajno je doprinio očuvanju, zaštiti i unaprijeđenju uloge nekoliko ključnih institucija poput Medrese, Gazi Husrev-begove džamije, kao centralne gradske džamije i cijelokupne Islamske zajednice Bosne i Hercegovine u posebno teškim okolnostima. Istovremeno, ef. Spahić nikada se nije ni trena odvojio

Adresa: Hamdije Kreševljakovića 3  
71000 Sarajevo, BiH  
Tel: +387 33 407 443  
Fax: +387 33 208 341  
Email: grad@sarajevo.ba  
Web: www.sarajevo.ba



od svoje mahale, džemata i naroda zadržavajući neposredan, blizak i životni način komunikacije kojom plijeni sve oko sebe promovirajući dijalog, saradnju i opće dobro.

Iako je rođen 1940. godine u Puhovcu kod Zenice, gotovo cijeli je radni vijek posvetio Sarajevu. Gazi Husrev-begovu medresu je završio 1959. godine. Imamsku dužnost počeo u Visokom 1962. godine, bio je od 1965. do 1978. godine glavni imam na području Odbora Islamske zajednice Visoko.

Postao je predavač predmeta kiraet u Gazi Husrev-begovoj medresi od 1978. godine. Hafiz položio 1980. godine. Prvim imamom i hatibom Gazi Husrev-begove džamije imenovan 1985. godine.

Za zamjenika reisu-l-uleme izabran je 1993. godine. Bio je i vršilac dužnosti direktora Gazi Husrev-begove medrese od 1998. godine. Objavljivao u Preporodu i u drugim islamskim listovima i časopisima. Autor je knjige hutbi (HUTBE, hfz. Ismet Spahić, El-Kalem, 2000. god.) po kojima je posebno cijenjen među muslimanima.

Istaknuti sudionik svih pozitivnih kretanja u Islamskoj zajednici BiH, posebno u Sarajevu. Uživa nepodijeljeno poštovanje, izuzetno i za doprinos jačanja morala u odbrani od agresora. Posebno je ostala upamćena njegova reakcija na tešku porodičnu tragediju koja ga je zadesila u opkoljenom Sarajevu.

Naime, 23. augusta 1993. godine u masakru ulici Halači, u redu za vodu osam građana je ubijeno, a troje ranjeno od minobacačke granate koja je ispaljena s agresorskih položaja.

Među poginulima su bile tri kćerke i jedna unuka hafiza Spahića. Unatoč teškoj tragediji, hafiz Spahić je tada ostao dostojanstven, njegova vjera bila je izuzetno snažna, te je nad mezarima najmilijih rekao:

„Govorio si, hafize, ne žalimo krv za odbranu napadnute nam domovine. Allah te stavio na iskušenje. Elhamdulillah“. Nema dana, kaže hafiz Spahić, da se ne sjeti svoje djece. Uči Fatihu i suru Ja'sin.

Njegov su život i borba, dostojanstvo i moralna snaga i danas inspiracija mnogima, posebno mladim ljudima sa kojima i dalje, kada je god u mogućnosti, održava kontakt. Sarajevo je imalo mnogo velikih alima, vjerskih dostojanstvenika i bogato moralno naslijeđe, ali je hafiz Ismet ef. Spahić jedan od onih bedema koji u jednom teškom vremenu sačuvaju najviše vrijednosti pravde, vjere i dobra bez kojih život nema pravi smisao.

S poštovanjem,

**GRADONAČELNIK**

**mr. Abdulah Skaka**

